

鄒齋叢書

第冊

解府讀書

卷十

夏小正分箋

張仲炘題

南陵徐乃昌校刊

夏小正分箋卷一

錢塘黃模學

春

正月 正音征又如字○予曰虞夏之厯建正於孟春

啟蟄

蟄讀如什○月令蟄蟲始振周書時訓爲立春第二候左傳曰凡祀啟蟄而郊孔穎達曰夏小正正月

月啟蟄故漢氏之始以啟蟄爲正月中雨水爲二月份及太和后以後更改氣名以雨水爲正月中驚蟄爲二月節以迄于今踵而不改

言始發蟄也

虞史伯夷曰冰泮發蟄魯語曰大寒降土蟄發徐巨源解曰啟發也前此墜戶

矣

鴈北鄉

鄉去聲○天氣降地氣騰蟲鳥得氣之先故啟蟄而記鴈一俯察一仰觀也鄉向同北鄉向北

而飛也候鴈知時秋南春北或曰隨陽也或曰畏寒也或曰避陰陽寒暑以就和氣也陶貞白曰鴈在江

夏小正卷一
湖夏當伏產故往北月令時訓在季冬易緯通卦驗
在二月呂氏月紀淮南時則與小正合

先言鴈而後言鄉者何也見鴈而後數去聲下同其鄉也

鄉者何也鄉其居也鴈以北方爲居生且長焉耳山北

經有鴈門鴈所居也在代北穀梁傳曰外爲主焉耳內爲志焉爾此傳文法如之九月遯鴻

鴈先言遯而後言鴻鴈何也見遯而後數之則鴻鴈

也何不謂之南鄉也曰非其居也故不謂之南鄉記

鴻鴈之遯也而不記其鄉何也曰鴻不必當小正之

遯者也遯在九月南鄉必在前矣非中國所見故不記公羊傳注曰諸據疑問所不知故曰者何

疏謂若據彼難此卽或言曷爲或言何以或單言何

雉震响雉野雞也响雉同鴈向以目治雉响以耳治小正記候鳥之鳴自雉始時訓小寒雉始雉易緯

在立春

响也者鳴也

雄雉鳴曰响雌雉鳴曰鷺

震也者鼓其翼也

鼓動也正

月必雷雷不必聞

月令二月雷乃發聲

惟雉爲必聞之

漢五行志云雉

聽察必聞雷聲

何以謂之

句

雷則雉震响相識以雷

識知也人皆知

有雷也

魚陟負冰

呂紀作魚上負冰高誘曰魚鯉鮒之屬應陽而動上負冰也時訓在立春第三候易緯在

大雪

陟升也

釋詁文升陞同

負冰云者言解蟄也

易曰雷雨作解解散也一本作

蟹蟄蟄

農緯厥耒

農農官耒田器國語王將耕籍命農大夫戒農用

緯束也束其耒云爾者用是見君之亦有耒也

君耕籍亦

有耒月令天子親載耒耜是也用是猶言由是穀梁傳曰寡人且用此入海矣又曰因是以見雖有文事

必有武備

初歲祭耒

攝提遷次青龍移辰謂之歲初歲立春日也祭耒祭始為耒耜之人

始用暢也

暢鬱鬯也雜記暢以掬杵以梧以其芬芳條暢故謂之暢國語言耕籍之禮鬱人薦

鬯犧人薦醴王裸鬯饗醴乃行孔與暢也者終歲之軒注曰裸鬯者以鬯灌地而祭耒與

用祭也

洪百里解曰周禮鬯人掌其秬鬯而飾之凡祭祀社壇用大罍祭門用瓢齋席用卣凡山

川四方用蜃凡裸事用概凡醢其曰初云爾者言是事用散終歲之用祭其是乎

月之始用之也初者始也

穀梁或曰祭韭也凡直指

用其日兼存異義則用或曰皆穀梁文法也庶人春祭韭

士珣謹案暢關本作暢舊注音韞傳子駿謂暢不生也暢訓達作暢為是珣考秦本紀魏有暢邑徐

廣音場索隱音暢漢碑暢暢暢三字通用見隸釋傳解雖本說文似不必泥

固有見韭

韭陽菜見露也草木萌動

圉也者園之樊者也

周禮園圃毓草木圉卽圃也樊藩也詩曰折柳樊圃

時有俊風

月令東風解凍易緯立春條風至水解國語言耕籍前時五日瞽告有協風至協和也俊

美也

風和則美俊風卽協風與時所宜有矣山海經

說有神人名折丹者東方曰折來風曰俊處東極以

出入風吳任臣引爲俊風東風之證但其經又有司

日月而處東極者北方曰皐來之風曰狹其處西北

隅者名曰石夷來風曰韋郭注來風爲地名此神人

名折一名俊耳恐不足證小正之俊風也

俊者大也大風南風也

陸佃曰爾雅何大乎南風也上南風以此

曰合冰必於南風解冰必於南風生必於南風收必

於南風故大之也

李調元注曰合冰凍也解冰泮也南風止則冰合故曰生南風起則

冰解故曰收大之喜之之辭

寒日滌凍塗

詩云雨雪載塗塗凍釋也寒氣日滌故冰東銷融滌寒者非俊風與

滌也者變也變而暖也

孫同元曰滌讀如滌濯之滌義取更新變更義通也

凍塗者凍下而澤上多也

澤釋古字通管子曰日至六十日而陽凍釋七十日

而陰凍釋孔注曰在上者陽凍也多釋矣在下者陰凍也時猶未釋也

田鼠出

伊耆氏制蜡祭迎貓為其食田鼠也蓋鼠之害稼者講家謂即鼯鼠九月藏正月出

田鼠者噉鼠也記時也

噉鼠爾雅作鼯鼠又云寓鼠日噉商鼎銘曰噉噉之食不

足狃也不能為膏而祇離咎也音欠說文噉口有所銜也音銜

農率均田

周禮三農生九穀先鄭曰三農平地山澤也後鄭以原隰及平地為三農李調元注曰均

平治也梁廣宇案曰傳訓均如昀昀原隰之昀墾闢也

率者循也

釋詁文言農事有常各循其序

均田者始除田也

詩載芟載柞其

耕澤澤傳云除草曰芟除木曰柞齊語及寒擊菓除田以待時耕擊菓即芟柞也鄭君曰古之始耕者除

田種穀

言農夫急除田也

農書云土上冒概陳根可拔耕者急發概詩義云稼概

獺獻魚

獻享也徐解曰獺陽而獺獻焉物固有所制聖人觀之以無以蓋月令明義曰獺祭魚謂之獻

小人之漁民也始亦嘗獻之久之而後飲之矣月令
獺祭魚時訓易緯在雨水

其必與之獻何也

與猶許也

曰非其類也

獺毛羣魚鱗族

祭也者

得多也善其祭而後食之

高誘曰獺取鯉魚於水濱四面陳之謂之祭魚來斯

行注曰獺每祭必七魚列於石上人襲之有頃再列如舊又獺祭時陳魚於前取黃頰魚一枚以爪按其首作聲如人之有祝史然故俗呼黃頰魚為魚師祭畢食諸魚而縱魚師於水姜上均注曰得多魚而先祭故善之模按曰與日善亦公穀義法也十月豺祭獸謂之祭獺祭魚謂之獻何也豺祭其類獺祭非其類故謂之獻大之也月令曰獺祭小正曰獺獻異故傳解之

鷹則為鳩

月令鷹化為鳩在仲春陸佃曰鷹鳩屬也鳩凡五種鷹為爽鳩應陽而變則喙柔不鷲徐

解曰質隨氣變性與時移也則為者猶曰鷹固能為之於時爰為之耳美其從善也

鷹也者其殺之時也鳩也者非其殺之時也

姜注曰言殺時

為鷹不殺
時為鳩

善變而之仁也

傳所謂以其不殺為仁

故其言之也

曰則盡其辭也

盡其辭穀梁解五石六鵠文

鳩為鷹變而之不仁

也故不盡其辭也

農及雪澤

澤釋通○管子乘馬云正月令農始作服於公田農耕及雪釋本此金仁山注曰雪釋猶

凍解及猶汲汲也及此凍解便往治田

言雪澤之無高下也

陽氣俱蒸故雪釋無高下者不論高原下隰積雪胥消也

初服於公田

服事也金注曰孟子曰詩云雨我公田遂及我私由此觀之雖夏亦助也趙鹿泉詩

細曰金仁山以此斷雖夏亦助然則野九一而助國中什一使自賦自是三代所同貢助徹皆有公田故

皆什一龍子所譏蓋夏末造時必有廢公田而行稅畝者殷湯起而正之故孟子引詩第云惟助為有公

田解家不察遂謂夏無公田而國中使自賦為用貢法矣任文田注曰井田始黃帝故可井處皆有公田

古有公田焉者古言先服公田而後服其田也

孟子曰公

事畢然後敢治私事蓋
古有是言故曰古言

采芸

舊注芸似邪蒿可食按卽今之蒿菜也仲冬芸始生至是可采

爲廟采也

采以薦新

鞠則見

鞠者何也星名也

金注曰鞠星未詳以天文考之其時晨見於東者惟危室耳模按鞠

卽危也漢地理志汧縣芮水出西北東入涇詩芮隄雍州川師古曰隄讀與鞠同大雅公劉之詩止旅乃密芮鞠之卽韓詩作芮隄言公劉止其軍旅欲使安靜乃就芮隄之閒耳然則古危字必作隄故小正直以隄爲鞠耳鞠則見者歲再見爾
公羊有一事再見之例此經後無再見之文闕矣

初昏參中

詩云嘒彼小星維參與昴傳云闕伯居商邱主辰實沈居大夏主參參辰昴並見於小正

而參在列宿中最明且大其星三心三尾二肩二股與觜合體成爲白虎帝之司寇農者以爲候今俗呼

為踏車星者亦象形也唐書推夏時立春日在營室之末昏東井二度中古厯以參右肩為距方當南正徐圃臣攷論推夏世正月中氣日在奎黃昏參中以參末言月令孟春之月亦曰昏參中者以參初言也蓋記時也云中星無時不有亦隨時不同言參中者據正月初昏而記之也

斗柄縣在下

縣懸同○北斗七星一至四為魁五至七為杓杓斗柄也懸垂也下寅方北斗斟酌

元氣運平四時氣逐閏移節隨杓建玉衡東指而天下知春矣晉語二年春公以二軍下次於陽樊韋昭

日東行日下

言斗柄者所以著參之中也

杓攜龍角魁枕參首杓在下則魁在上魁在上

則參在南故曰著參之中著明也所謂序星辰以著眾

柳梯

易曰枯楊生梯楊柳一類而二種

梯也者發孚也

孚一作孳○孚孚甲也楊升菴注曰毛未出卵曰孚柳初發苞亦如卵形

而小故曰發孚蓋柳梢青矣鍾伯敬曰梯自內出故曰發孚

梅杏棹桃則華

棹音夷○月令仲春桃始華呂作桃李華農書以桃杏華為耕候亦不及梅小

正物候徧江淮遂以梅冠羣芳焉

棹桃山桃也

傅子駿解曰棹當作梔爾雅梔山桃音斯或云山桃即小桃陸渭南曰成都小

桃上元前後即著花狀如垂絲海棠

緹縞

爾雅作媿蒿音堤浩王廷相注曰媿香附子蒿其苗也

縞也者莎隨也緹也者其實也

釋草蒿候莎其實媿疏云蒿即莎別名侯

維也其實別名媿隨當作蔭弋垂徂規二反廣雅云地毛莎蔭也媿說文曰諦也一日江淮之間謂母日媿本草云香附子莎根也一名雀舌香根鬚下結子大者如羊棗氣辛為女科要藥此其所以名媿與

先言緹而後言縞者何也緹先見者也何以謂之句

小正以著名也

小正以著名者猶云春秋著以傳著也

雞桴粥

月令季冬雞乳時訓在大寒易緯在立春魏志立春第一候雞始乳韓詩外傳曰卵之性為雛

不得良雞覆伏孚育積日累久則不成爲雛是桴粥
卽孚育也

粥也者相粥之時也

言人當無失其時

或曰桴姬伏也粥養

也

樂記曰羽者姬伏體覆曰姬于具反伏扶又反姜注曰姬伏則卵發孚也

二月

往耬黍禪

黍高粱也赤苗糜白苗芑秬黑黍稷一桴二米早者與耬同種管子曰日至百日黍稷之

始也

秬卽耬之稷者往往于田也詩曰四之日舉趾

耬摩

田器韋昭曰所以覆種晉灼曰以耒推塊曰耬

皇侃曰

覆種者植穀之法先散後覆也論語曰耬而不輟

禪單也

玉藻曰禪爲絅帛爲褶禪單衣也耬本勞事時已春暖故單衣○凌體元曰此一字自爲

一節蓋記時之漸暖不必定連耬黍解

初俊羔助厥母粥

此繼耕以課牧也羔羊子也羊以正月產者爲上羔俊美也初俊羔者言

是時羊子始美大也粥育同助佐也益也羔大須乳多無以佐之則瘠乏可患故戒牧人必倍芻勤飼俾

得足食以乳其子焉蓋育羔者厥母助厥母者牧人也羊乳子凡六十日

俊也者大也粥也者養也言大羔能食草木而不食

於其母也羊蓋非其子而後養之善養而記之也黃

圃注曰羔大不食母乳則母可專養幼羔且有餘力并養他子是助母粥也故善之或曰夏有

暑祭一作憂祭也者用羔是時也不足喜樂喜羔之

為生也而記之與句羔句羊腹時也夏有暑祭者言夏世有迎暑之

祭也周禮籥章中春晝擊土鼓吹豳詩以逆暑其詩云獻羔祭非是暑祭用羔也腹時謂乳時餘皆未詳

綏多女士綏關本作綏女士一本作士女○周官大宗伯以嘉禮親萬民嘉禮凡六二日以昏冠之

禮親成男女鄭注曰親其恩成其性親成即綏也賈疏曰昏姻之禮所以親男女冠笄之禮所以成男女

男女即士女也

綏安也周書謚法解文冠子取婦之時也周禮疏引此作冠子嫁女娶妻之時